



Sud Bosne i Hercegovine

Суд Босне и Херцеговине

Broj: Su-08-149/19

Datum: 30.05.2019. godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine („Službeni glasnik BiH“, broj: 82/05) na preporuku Stalne komisije za javne nabavke Suda BiH broj: Su-08-148/19 od 30.05.2019. godine u postupku javne nabavke usluge korišćenja internet linka – **72400000-4**, donosim

ODLUKU

o izboru najpovoljnijeg ponuđača za nabavku usluge korišćenja internet linka

član 1.

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-08-148/19 od 30.05.2019. godine i Ugovor za nabavku usluge korišćenja internet linka - oznaka i naziv iz JRJN: **72400000-4** (usluge interneta), dodjeljuje se ponuđaču „**Telemach**“ d.o.o. Sarajevo, sa sjedištem na adresi Džemala Bijedića 216, a ponuda ovog ponuđača broj: 037-2019 od 21.05.2019. godine za ponudenu cijenu od **2.700,00 KM** bez PDV-a, kao najbolje ocijenjena ponuda.

član 2.

Ugovor o nabavci dostaviti će se na potpis izabranom ponuđaču „**Telemach**“ d.o.o. Sarajevo po proteku roka od 15 dana računajući od dana kada su svi ponuđači obavješteni o izboru najpovoljnije ponude.

član 3.

Ova odluka objavljuje se na internetskoj stranici Suda BiH. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke usluge korišćenja internet linka broj: Su-08-126/19 od 07.05.2019. godine. Javna nabavka je provedena putem konkurentskog zahtjeva za dostavu ponuda broj: Su-08-128/19, a procijenjena vrijednost javne nabavke bez PDV-a je 6.000,00 KM. Obavještenje o nabavci objavljeno je na portalu javnih nabavki pod brojem 243-7-2-11-3-21/19 od 08.05.2019. godine sa tenderskom dokumentacijom. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke usluge korišćenja internet linka. Komisija je blagovremeno i pravilno izvršila javno otvaranje ponuda dana 22.05.2019. godine i sačinila Zapisnik sa otvaranja ponuda koji je proslijeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće: da su blagovremeno pristigle ukupno tri (3) ponude (BH Telecom d.d., Logosoft d.o.o. i Telemach d.o.o.), da nije bilo neblagovremeno zaprimljenih ponuda; da su sve pristigle ponude ponuđača ocijenjene prihvatljivim u skladu sa tenderskom dokumentacijom.


Za ovaj postupak je predviđena e-aukcija. Sve prihvatljive ponude (BH Telecom d.d., Logosoft d.o.o. i Telemach d.o.o.), su unesene u sistem e-nabavke radi zakazivanja e-aukcije. E-aukcija je zakazana za 27.05.2019. godine sa početkom u 12.00 sati i predviđeno je trajanje e-aukcije 30 min. Dana 27.05.2019. godine e-aukcija je počela u 12.00 sati a završena je u 12.52 sati. U toku e-aukcije je došlo do podnošenja novih cijena (novih ponuda) ponuđača koji su pozvani da učestvuju u e-aukciji. Nakon završetka e-aukcije u sistemu e-nabavke je kreiran izvještaj o toku i završetku e-aukcije (početna i konačna rang lista) prispjelih ponuda u kojem je utvrđeno da je prvorangirana ponuda ponuđača **“Telemach“** d.o.o. Sarajevo sa cijenom od **2.700,00 KM** bez PDV-a, drugorangirana je ponuda ponuđača **“Logosoft“** d.o.o. Sarajevo sa cijenom od 2.730,00 KM bez PDV-a i trećerangirana je ponuda ponuđača „BH Telecom“ d.d. Sarajevo sa cijenom od 4.590,00 KM bez PDV-a.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Nakon okončanja e-aukcije nesporno je da je prvorangirani ponuđač **“Telemach“** d.o.o. Sarajevo izabran primjenjujući kriterij najniže cijene koja je ponuđena u iznosu od **2.700,00 KM** bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od pet (5) dana od dana prijema ove odluke.



PREDSJEDNIK SUDA

Ranko Debevec